

O'zbek - Good Mind Scriptures

Levilar 24:12 Egamizning hukmi ma'lum bo'lgunga qadar uni qamab qo'yishdi.

Deuteronomy 18:6 Agar biror levi Isroildagi o'zi yashab turgan shahardan Egamiz tanlagan joyga o'z xohishi bilan borsa,

Rut 1:18 Naima amin bo'ldiki, kelini u bilan ketishga qat'iy ahd qilibdi. Shundan so'ng uni ko'ndirishga qayta urinmadni.

1 Kitobi 28:9 Endi Sulaymon o'g'ilim, otang Xudoni tan olgin, butun onging bilan sidqidildan Unga xizmat qilgin. Zotan Egamiz har bir insonning yuragini sinaydi, niyat fikrlarimizni U biladi. Agar Uni izlasang, topasan. Agar Uni tark etsang, U ham seni abadiy tashlab ketadi.

Naximiyo 4:6 Biz devorni quraverdik, xalq chin dildan ishlagani uchun, tez orada devorni yarmigacha ko'tarib bo'ldik.

Ayub 23:13 Xudo qarorida qat'iy turadi, Kim Uning fikrini o'zgartira oladi?! U nima xohlasa, shuni qiladi.

Sulaymonning Hikmatlari 29:11 Nodon bor jahlini to'kib soladi, dono esa ichida saqlaydi.

Ishayo 26:3 Ey Egamiz, Senga ishonib, Fikri-zikri Sendan uzilmaydiganga O'zing komil tinchlik ato qilasan.

Mark 5:15 Ular Isoning oldiga kelganlarida, ilgari tumonat jin qamragan odamni kiyingan va aqli raso holda o'tirganini ko'rib, qo'rqib ketishdi.

Luqo 8:35 Odamlar bo'lib o'tgan voqeani ko'rgani keldilar. Ular Isoning oldiga kelganlarida, jindan xalos bo'lgan odamni ko'rdilar. U odam kiyingan, aqli raso holda Isoning oyoq tomonida o'tirardi. Ular buni ko'rib, qo'rqib ketishdi.

Faoliyati 17:11 Bu yerdagi yahudiylar Salonikadagi yahudiylarga qaraganda keng fikrli edilar. Ular zo'r ishtivoq bilan Iso haqidagi xabarni tinglashar, Pavlusning aytganlari haqiqat ekanini ko'rish uchun Muqaddas Bitiklarni har kuni tadqiq etishardi.

Faoliyati 20:19 Men ko'p ko'z yosh to'kib, kamtarlik bilan Rabbimiz Isoga xizmat qildim. Yahudiylarning fitnalari dastidan kelgan sinovlarni boshdan kechirdim.

Rimliklarga 7:25 Xudoga shukr! Rabbimiz Iso Masih orqali U bizni qutqaradi! Xullasi kalom, men ongim bilan Xudoning qonuniga qul bo'lsam-da, bashariy tabiatim gunoh qoidasiga quldir.

Rimliklarga 8:6 Bashariy tabiat yetakchiligidagi fikr qilish o'limga yetaklaydi, Ruh yetakchiligidagi fikr qiladiganlar esa hayot va tinchlikka ega bo'ladilar.

Rimliklarga 8:27 Insonlarning yuragini sinovchi Xudo Ruhning fikri nimada ekanligini biladi, chunki Ruh Xudoning irodasiga ko'ra Uning azizlari uchun shafoat qiladi.

Rimliklarga 11:34 Kim Egamizning fikr-zikrini bila olar?! Kim Unga maslahat bera olar?!

Rimliklarga 12:2 Bu dunyoga moslashmanglar, fikr-zikringizni yangilab, tubdan o'zgaringlar. Shunda Xudoning irodasini tushuna oladigan bo'lasiz, ya'ni nima yaxshi, Xudoga manzur va mukammal ekanligini bila oladigan bo'lasiz.

Rimliklarga 12:16 O'zaro hamfikr bo'linglar. Takabburlik qilmay, bechora hamda past tabaqali odamlar bilan do'st bo'ling. O'zbilarmonlik qilmanglar.

Rimliklarga 14:5 Ayrim odamlar bir kunni boshqa kundan ustunroq hisoblaydi, yana boshqa bir odamlar esa kunlarning hammasini baravar, deb hisoblaydilar. Har bir kishi o'z fikrida mahkam tursin.

Rimliklarga 15:6 Shunda sizlar yakdillik bilan, bir ovozda Rabbimiz Iso Masihning Otasi — Xudoni ulug'laysizlar.

1 Korinfliklar 1:10 Ey birodarlarim, Rabbimiz Iso Masih nomi bilan sizlarga iltijo qilaman, hammangiz o'zaro ahil yashanglar. Orangizda nizolarga yo'l qo'ymay, fikr-xayolda tamomila yakdil bo'linglar.

1 Korinfliklar 2:16 "Axir, kim Rabbimizning fikr-zikrini anglab yetibdiki, Unga yo'l-yo'riq ko'rsatsa?!" Biz esa Masihday fikr-zikr qila olamiz.

2 Korinfliklar 7:7 Biz faqatgina uning kelganidan emas, balki uning sizlardan olgan tasallisi haqida eshitib ham ancha dalda topdik. Sizlar meni qattiq sog'inayotganingiz, men uchun qayg'urib, tarafimni olganingiz haqida xabar olib kelganidan juda sevindim.

2 Korinfliklar 8:12 Agar inson hadya berishni xohlasa, undan yo'q bo'lgan narsa talab qilinmaydi, balki o'zida bor narsasini bergani qabul qilinadi.

2 Korinfliklar 9:2 Axir, bilaman-ku, sizlar yordam berishga tayyorsizlar, shuning uchun ham "Axaya hududidagi imonlilar o'tgan yildan beri tayyor", deb Makedoniyadagi birodarlarga sizlarni maqtab yuribman. Sizlarning saxiylik bilan berayotgan xayr-ehsonlaringiz ularni ham saxiylikka undadi.

2 Korinfliklar 13:11 Shunday qilib, birodarlarim, endi sizlar bilan xayrlashay. Kamolotga intilaveringlar, bir-biringizga dalda beringlar, hamfikr bo'linglar, o'zaro ahil-inoq bo'lib yashanglar. Shunda mehr-muhabbat va tinchlik manbayi bo'lgan Xudo sizlar bilan bo'ladi.

Efesliklar 4:23 Yangichasiga fikr-zikr qiladigan bo'linglar.

Filippiliklar 2:2,3 Shunday ekan, mening shodligimga shodlik qo'shib, bir xil fikr qiling, bir-biringizga mehr-muhabbat ko'rsating, yakdillik bilan

hamfikr bo'ling. 3 Hech bir ishni xudbin niyatda qilmang, shuhratparast bo'lmang, aksincha kamtarlik bilan boshqalarni o'zingizdan balandroq ko'ring.

Filippiliklar 4:2 Evodiya va Sintixa, sizlardan iltimos qilaman, Rabbimiz haqi yakdil fikrda bo'linglar.

Filippiliklar 4:7 Shunda Xudo beradigan, inson xayoliga sig'maydigan tinchlik Iso Masih orqali sizlarning yuraklaringizni va o'y-xayollaringizni qo'riqlaydi.

Kolosaliklar 3:12 Sizlar Xudoning tanlangan, aziz va suyukli xalqisizlar. Shunga ko'ra rahm-shafqat, mehribonlik, kamtarlik, muloyimlik va sabr-toqatni zeb-ziynat qilib taqib olinglar.

2 Salonikiliklar 2:2 Rabbimiz kelibdi, degan gaplar boshingizni aylantirmasın, sizlarni xavotirga solmasın. Bunday gaplar bashorat orqali, biror xabar yoki xuddi biz yozgan xatga o'xshash bir xat orqali kelib chiqqandir.

2 Timo'tiy 1:7 Zero, Xudo bergen Ruh qalbimizga qo'rquv solmaydi, aksincha, bizga kuch, muhabbat va aqli rasolikni ato qiladi.

Titus 2:6 Yigitlarni ham bosiq bo'lishga undagin.

Ibroniylar 8:10 Men kelajakda Isroiil xalqi bilan tuzadigan ahd shunday bo'ladi: Men qonunlarimni odamlarning ongiga solib qo'yaman, qonunlarimni ularning yuraklariga yozaman. Men ularning Xudosi, ular esa Mening xalqim bo'ladilar.

1 Butrus 1:13 Shuning uchun es-hushingizni yig'ib olinglar, hushyor bo'linglar. Butun umidingizni Xudoning inoyatiga bog'langlar. Axir, Iso Masih oxiratda kelganda Xudo sizlarga inoyat ko'rsatib, najot beradi.

1 Butrus 5:2 Xudoning nazoratingizdagи suruvini yaxshi boqinglar. Bu xizmatni majbur bo'lganining uchun emas, balki chin ko'ngildan, Xudoga manzur tarzda bajaringlar. Shunchaki pulparastlik maqsadida emas, samimiyat bilan ijro etinglar.

2 Butrus 3:1 Ey azizlarim, bu mening sizlarga yozayotgan ikkinchi maktubimdir. Ikkala maktubimda ham sizlarda pok fikr uyg'otishga harakat qilib, o'rganganlaringizni yodingizga solmoqchi bo'ldim.

Vahiy Yohanno 17:9 Bularni anglamoq uchun aqlu idrok darkor. Mahluqning yetti boshi — ayol o'tirgan yettita tepalikning timsolidir.